

خبي الحدوتة

ديوان شعر بالعامية المصرية

الشاعر حمدي عبدالفتاح

مراجعة الديوان د / أحمد حمدينو

————— حمدي عبدالفتاح —————



إصدارات دار الحسيني للطباعة والنشر والتوزيع

اسم الكتاب: خبي الحدوتة - ديوان شعر

اسم المؤلف: حمدي عبدالفتاح

رقم الايداع: 2018/ 17240م

ترقيم دولي: 1-12-6663-977-978

حقوق الطباعة محفوظة للمؤلف

لا يسمح بإعادة إصدار هذا الكتاب أو أي جزء منه أو تجزئته
في نطاق استعادة المعلومات أو نقله أي شكل من الأشكال
المعروفة حالياً أو التي ترد مستقبلاً دون إذن خطي مسبق
المراسلات:

دار الحسيني للطباعة والنشر والتوزيع

المقطم الهضبة الوسطى الحي الرابع منزل رقم 5275 شارع عماد مصطفى

موبايل: 01144059975 ت: 27304004

إهداء

إلى

كل محبي الكلمة الشاعرة

أقدم نبض

قلبي

ممزوجاً بكل الصدق

والمشاعر الجميلة

مع خالص تحياتي

حمدي عبد الفتاح

تقديم

يسر مؤسسة الحسيني الثقافية أن تقدم لجمهور الأدباء هذا الديوان " خبي الحدوتة " للشاعر المبدع حمدي عبدالفتاح ، وهو من شعراء الدقهلية المعروفين ولع باع طويل في كتابة الشعر العامي والفصيح وقد سبق له اصدار ديوان يحمل بواكير أشعاره ، ولسوف تتوالى إصدارات المؤسسة التي تلبي رغبات الشعراء والأدباء في كل مجالات الإبداع خلال الفترة القادمة ، ولا يسعنا في هذا المقام إلا أن نتقدم بالشكر الجزيل لكل من تعاون معنا في سبيل تحقيق أهداف المؤسسة في نشر الثقافة الحقيقية التي تعبر عن هوية الأمة ، وترتقي بالذوق العام وتواكب الحاجة الملحة لالقاء الضوء على ابداعات الشعراء والادباء خارج القاهرة ، ونخص بالذكر نقادنا الافاضل الدكتور حسام عقل ، والدكتور على جاد الحق ، والناقدة رانيا مسعود ، والناقد عاطف عز الدين الذين يثرون الأعمال الأدبية بنقدهم البناء ، ان مشروع مؤسسة

الحسيني الثقافية مشروع طموح لاستعادة دور مصر الريادي الموكول بها في عالما العربي منذ بدء الخليقة ، وسوف نمضي قدما لتحقيق هذا الهدف، وبذل الكثير من الجهد لإيماننا بأهمية الثقافة في تحقيق النهضة المأمولة لأمتنا . لقد قررت المؤسسة منذ بداية عملها أن يكون في أوليات عملها رعاية الابداع والمبدعين لاكتشاف المبدعين الحقيقيين في مجال الأدب ورعايتهم وإلقاء الضوء عليهم من خلال النقد البناء لتسهيل فرصة حصولهم على الجوائز العالمية في مجال الأدب من خلال نقاد مؤهلين للنقد، كذلك فقد أطلقت المؤسسة مبادرة ميثاق شرف المثقفين أفراداً ومؤسسات وجمعيات ، ونود في هذه المقدمة أن نشير إلى ان اهتمام مؤسسة الحسيني الثقافية بشعراء وادباء الاقاليم شئى أساسي ضمن سياستها برعاية الابداع والمبدعين في كل مكان فهناك الكثير من المبدعين في حاجة لمساعدتهم وإلقاء الضوء على أعمالهم الأدبية، ومؤسسة الحسيني الثقافية ليست فقط مجرد ندوات أدبية أو ثقافية أو فنية فقط

ولاتهدف للربح في المقام الأول ، وإنما ترعى المبدعين في كل مجالات الابداع ، مثل الفنون التشكيلية وفنون المسرح والسينما وغيرها من الفنون ، نضع بين يدي المثقفين هذا الديوان ، آمليين أن يحوز على القبول والله الموفق

رئيس مجلس الأمناء

عبدالقادر الحسيني

خبي الحدوتة

ديوان شعر بالعامية المصرية

الشاعر حمدي عبدالفتاح

الحب قوت أسلاه أموت

خبي الحدوته

لو جولك وحكولك عنى

وقالولك يا خساره عليه

ف بعدادك ضاعت أمانيه

وحياته عادت دوامه

دواره ف دنيا الأوهام

بيفوت الشهر ورا التانى

وبنسمع إنه ما بينام

وبيكبر قُدمنا غموضه

وكأنه أصبح أُسطوره

ملايانه نواذر وكلام

وقالوك إحكي لنا عليه

إتغير واتبدل ليه

أرجوكى خبي الحدوته

وسببها ف قلب الكتمان

وقوليلهم دى حكاية بعيدة

وطواها ف عقلى النسيان

وإن كُنْتى لازم تحكيلهم

ببساطه قولى لاصحابنا

دا عقابه لأنه إنسان !!!...

كلمينى

كلمينى كل يوم

تمحى من روى الألم

تشفى فى قلبى الهموم

كلمينى

تحلا بكلامك سنينى

يغلا ما بينك وبينى

والهنا ف عمرى يدوم

كلمينى كل يوم

كلمينى أبقى شاعر

واقدر اوصف دى المشاعر

أصل جرح الفرقه غاير

مين على المشتاق يلوم

كلمينى كل يوم

كلمينى احبك اكرر

يا ام قلب رقيق وأخضر

نفسى يوم بشهدك افطر

حتى لو عمرى أصوم

كلمينى كل يوم

كلمينى تبقى حاسه

إنى عاشقك كل ثانيه

كل همسه

وان عمرى ف يوم ما ه أقسى

والحياه دى بحلها كوم

وانت حبك وحده كوم

كلمينى كل يوم

كلمينى

كلمينى تبقى شايفه

كل شيء عندى وعارفه

حتى مهما تكونى خايفه

يبتعد خوفك وتيجي

تنزلى ف بحرى نعيم

كلمينى كل يوم

كلمينى دا انتى نادره

ومستحيل ه تكونى غادره

ومهما كان ضرورى قادره

تنقى نهري من السموم

كلمينى كل يوم

كلمينى أبقى حبيبك

ياحبيبتي يا طبييتى أنا طبيبك

والمحبه فن أرقى م الفنون

علم أقوى م العلوم

كلمينى كل يوم

كلمينى كلامنا راحه

صدق ديماً بالصراحه

الروح محبتها مُباحه

و اللي منعوا الحب دول

غربان وبوم

كلمينى كل يوم

كلمينى تبقي عيدى وابقى عيدك

تبقي إيدى وابقى أيدك

بعد حبى ما فيش يفيدك

والوجود كله ما يسوا

حب يوم

كلمينى كل يوم

كلمينى تلاقى نفسك والقى نفسى

ينتهى يأسك ويأسى

بالأمل نحيا ونسعد

نلمس بأروحنا النجوم

كلمينى كل يوم

كلمينى معدش لينا الا الكلام

لو يضيع برضوا حد نندم

يوم نقول ياريتة دام

وبإديننا انه يدوم

كلمينى كل يوم

أصل صوتك قوت لقلبي

وسعد عمرى

ينقطع قلبى يموت

وان عاش حـ يغرق فـ الهموم

كلمينى كل يوم

اللهم

سبحانه هو اللى خلق

وصورك

وبروح ملايكة نورك

خلاكى ليا ملهمه

إزاي تعيشى ف أرضنا

ومتعيشيش فوق ف السما ؟

لما زرعتى دُنيتى أنوار ونار

وسعاده حلوه مؤلمه

إحتارنا فيكى

إنتى واحده م البشر

الله حباها بكل ده ؟

وللاملاك من السما

تتكلمى كدا زينا

يطلع كلامك مُعجزه

أما إذا تتبسمى

ذرات وجودى تترمى

فى جنتك مُستسلمه

وعنيكى دُنيا لوحدها

فيها قواميس الهوا

متسطره ومتنظمه

عُدنا تلامذه عاشقين

وانتى مدارس عشقنا
ولا فيش سواكى مُعلمه
أما ف ميدان الحنين
قلبى وروحي مظلومين
ف أرق واحلا مظلمة
دُقنا تباريح الهوا
عالم من الاشواق
بيجرى ف الدما
فوق عرشنا مُتوجه
ملكه ومالكه غُمرنا
مِتَحكمه

إوعى ف مره تُهجرى

لـ الشمس يومها تنطفى

وأموت ف تلج حياه

كئيبه مُعتمه

وجيوش رضاكى تتسحب

معادتش تحمى لنا الحما

دانتي الدليل إن الإله بيحبنا

بعتك لنا جباره ف دنيا العطا ومُنعمه

سبحانه هو اللى خلق

وصورك

وبروح ملايكه

نورك

خلاكى ليا ملهمه

مع إنى شاعر

مع إنى شاعر

مش قادر

أوصف لك إيه اللي بحسه

ولا حتى عارف أحكى لك

عن دُنيا جراحى وآلامى

وبسيبك واهرب جوايا

مش بشعر إنك قدامى

وف آخر الرحلة برجع لك

وبصمتى القاتل أندهلك

وتجبنى بشوقك ملهوفه

وإديكى الحلوه مرجوفه

وأقولك أسف يا حبيبتي

مع إنى شاعر مش قادر

أوصفلك إيه اللى بحسه

والشاعر جوايا بيوصف

لكنى مش سامع حسه

المسافه

رغم إنك مش بعيد

واللى بينا شيء ما فيش

لو أفكر إنى اجيلك

الزمان مايكفنيش

آه يانبض الشوق ف روى

آه يا شمس بدونها

مش قادر أعيش

آه يا لحظه عا شها قلبى

دهر كامل

والمحبه ألف قصه كل يوم

رغم إنك مش بعيد

ليه بقيتي

ف حساب أرواحنا

أبعد م النجوم ...؟؟

وفاء

من يوم ما شوفتك
للأبد هفضل وفى
وهعيش ف ذكرى
قصتك وهتعرفنى
إنى أنا
رغم السنين رغم التعب
عاشق وهب
كل اللى ممكن يتوهب
ولا يوم طلب
عاشق بحبه إتنفى
ويا الوفا من غير سبب ..

خلينا على بالك وإطلبنا

خلينا على بالك وإطلبنا
يا ساكن روحنا وقلوبنا
وكفايا من بُعدك دُنيا
وحياتنا عذاب
شايفينك مش سائل فينا
متهنى ف بُعدك وناسينا
ومبكى أيامنا وعيننا
وتقول أحباب
حيرت وجودى ف أمورك
وحارمنى لا أطلب ولا ازورك

ولا ليلي بيعشق غير نورك

وهواك دا سراب

ضحينا وبيهون الغالى

ولا شيء ف الدنيا بيحلالى

وهواكم ساكن ف العالى

والقلب اهو داب

دبرنا يا مالك أيا منا

الغيره وخيالها قاتلنا

على حبك ياما اتندمنا

وأملنا أهو خاب

لا بتوعد مره ولا بتوفى

ولا حتى تأيد ولا تنفى
وبتجرح ولا مره بتشفى
وشبابنا اهو شاب .

إسمحي لي

إسمحي لى

أدق باب الذكرى

تانى

واحكى للأيام حكايتى

بعد قلبى ما عاد سفينه

فى بحور من غير موانى

إسمحي لي أبقى شمعہ

فى ليالى بدون وجود

أبقى دمعہ تاه طريقها

على الخدود

يمكن أرجع و ف إديا

فرحه طارحه نور خلود

إسمحيلي أدوب

ف كلمة عشق حلوه
قالها ليا يوم لسانك
أبقى رعشة حب ضاعت من كيائك
وللا شمس ف صبح موعد
جاد عليا بإبتسامة حب دايمه
لما جابك
إسمحي لى أعود
لبابك
أصل نبض القلب
قرب
ينسى روحه لما
فاتك
إسمحي لى أدق باب الذكرى تانى
وانسى إنى مركبه ف بحر الحياه
من غير موانى

إسمحي لى أفكر أيام هوانا

لو ثوانى

أنسى بيها غربتى

وأجرى للأحلام أزورها

وأعيش ف نورها

اللى احتوانى

لما كنتى شمس عمرى

اللى بتشرق فى كيانى

يمكن القى السلوى فيها

واقوى بيها ع السفر

جوه زمانى

واعذرينى لما أقولك

إن دى آخر الأمانى

كنت بحلم إنى

أجى لك أو تجينى

وانتى ديمأ سعد قلبى
ونور ف عينى
واما اشوفك وتنادينى
تشفى قلبى وتنقديه
من مر ويله
زى شمس الدنيا
لما يهنى بيها الكون
ويفرح بعدليه
زى أى سجين مايفرح
لما يخلوا يوم سبيله
زى فرح ف قلب طفله
لما ترجع أمها بعد الغياب
زى سعد عليل
مايشفى بعد ماداب م العذاب
كنت بالمح فى عنيكى

حزن خلى الشوق شباب
وابتسامتك كون سعادہ
لو أحاول إنى أوصف
ممکن أكتب ميت كتاب
إسمحى تیجى تزورینى
ف الخیال
بعد موت الروح ما طال
لإنتى مره إستجابتى
ولا القدر بیستجاب

مكتوب

مكتوب على

أهجر ك

من غير سبب

من غير حدود

واهجر معاكى دنيتى ...

وانسى الوجود

وتفوت على سنين

ما حسش بالهنا

إلا وانا بحلم أعود .

كله ممكن كله عادى

كله ممكن كله عادى

مهما قولنا

دا شيء لا يمكن

يجى يوم ويبقى عادى

حتى بحر الحب فينا

موجه مهما يعلا بينا

فجاه نلقاه يبقى هادى

كله ممكن كله عادى

ياما قولنا دا مستحيل

والقدر يرمينا فيه

نلقاه جميل

واما دنيتنا تلاقينا مرتاحين

بتحاربنا وتحاورنا حادى بادى

كله ممكن كله عادى

ياما شُفنا من عجائب

ف المحبه والحبايب

حد كان مغضوب عليه

فجاه بقى أغلا الحبايب

واللى عشقوا بعض رجعوا

م المحبة بقوا أعادى

كله ممكن كله عادى

الزمان مشوار واخذنا

لابايديه ولا بايدنا

الأمور من فوق ياسيدنا

مهما ضحكت بتعاندا

والقدر آمر نقرب

أوف لحظه بيباعدنا

والاله بيقول مصيركوا

فى إديا يا عبادى

كله ممكن كله عادى

فى هامش الحياه

معقول تكونى بتلبسى

فستان فرح

تتزوقى لعريس إديه متلوته

بدماكى وبدمى سوى

معقول تكونى مصدقه إن الجحيم

يطرح هوى

معقول كلامه ضللك

وشراقى روحك من مراره إرتوى

معقول يا ورده

فى ربيع العمر نادية

تكونى راضية

يقطفك من غير ورق

وتقربى وتعطرى له النسيم

وتسيبى روحى فى وفائى تتحرق

معقول تكونى متغربه

ومتحوله عن عزتك عن رقتك

عن كل يوم مافى دنيتك من شيء بريء

معقول تكونى ف محنيتك ناسيا الطريق

ف بحور حجودك طفلنا بيموت غريق

ولا حد قاهر مننا يطفى الحريق

إلى اشتغل فى قلب بكره وحوله

لخيوط سراب

فى عمر واحه من الخراب

بسال عنيكى فى خيالى

فاكره حبى وأوله

تجاوبنى آه لكن هعيش

ف قلبى حبه وأقدر أضلله

وسألتها

معقول هواكى شئ ف دنيا الناس

يا عمرى يحوله

قالت ساعات

لما الساعات تنسى الزمان

وتعيش زلازل حزن

فى قلب الكيان

ننسى الهنا وننسى الأمان

ونعيش ف قلب الليل آهات ونطوله

ونعيش ف هامش للحياه

إيه اللي نقدر نعمله؟؟

نصيبى

نصيبى منك

ازازه فاضيه

ومندليين

وكماني يا دوبي حبة كلام

وهو واخد خيرك وكلك

أصلك وضلك ف قلب حضنه

ومعاكى نايم على ريش نعام

وانا ف شكوكى نايم ف شكوكى

ويا ريت بنام

والنوم يجينى يلاقينى صاحى

غرقان فى دمي زى الأضاحى

واللى دبحنى فى نعيمه سيد

ف كل لحظه عمال يعيد

وانتى وهو

ضحيتوا بيا

وانا ياسينك وانتى بهيه

ولا عادشى روميو جنبى بيعشق

ولا له قضية

مدى إيديكى يا عشق عمرى

يمكن نلاقى ولو بقية

بلاش تكونى سبب جنونى

إنتى وزمانى واللى قتلنا

ديما عليا

تعطيه حياتك وإنتى راضيه

دمرتوا عمرى بضربه قاضية

وكان نصيبى قبل النهاية

حبة كلام

ومندليين

وازاره فاضيه ..

ما فيش زيك

إحترت والله كتير

مالقيتشى فيه زيك

ف الحس والتفكير

أكيد مافيش زيك

مهما الزمن بيسير

وناس أشوفها كتير

مافيش ليهم تأثير

على روحى ليه زيك؟

وانتى تقولى لي

أنا وحده زى الناس

طيب يا أغلى الناس

قولى لى مين ف الناس

ممك يكون زيك؟

الناس بخير حلوبن

لكن ما فيش فيهم

كامل كدا الاوصاف

ف الشكل والمضمون

غالى ونفيس مضمون

عالى وتقليل ومصون

ف الدنيا دى زيك

الناس لهم اجسام

تشبه اكيد جسمك
ولهم كمان اسماء
يمكن شبه اسمك
أما صفات الروح
والعقل والوجدان
إنتى فريده ف دول
ولا حد بينافسك
نفسى تحسى بدول
تتغرى فى نفسك
إمشى ف وسط الناس
حسى ف وسط الناس

إن إنتى إغلا الناس

إن إنتى أحلا الناس

ما فيش ما بين الناس

ف الروح وف الاحساس

وف كافة الاوصاف

خلق الاله الكون

فى كافة الاجناس

ف الدنيا دى زيك

كل يوم

كل يوم بحلم أضحك

أشترى بأفراحي همك

أبقى أبوك أبقى أخوك

أبقى إبنك ولا أمك

أبقى نسمة تخش رنتك

نفسى حتى أبقى روحك ولا دمك

المهم ان أبقى فيكى أبقى بيكى

أبقى ليكى أبقى منك

والحياه ماتكونشى هيه

الا لو عاشت عنيا

فى حقيقتك كل يوم
كل يوم بحلم أشوفك
وانتى فى برج المحال
حبل أحلامى إتقطع
يامن إذا ماتت أمانى
العاشقين يحيها تانى
ان خاد تمنها دنيتى
يعدل ما مال
لجل أعيش وياها آمن بالامال
والحياه وياها تحلا كل يوم
كل يوم يجرحنى بعدك

والجراح ملهاش حدود
مات ف قلبى الفرح بعدك
واللى مات إزاي يعود
كنت أحلا شئ ف عمرى
كنت روح كل الوجود
كنت آه لكن مازلتى
والكلام أصبح وسيلتى
مهما احاول مش هصور
عشقى ليكى لك يوم
كل يوم بحلم أشوفك
أحنى من دمي كفوفك

أزرع البسمه ف شفايفك

تحلا أزهارى ف حدودك

كل يوم بحلم أهشك

وانت زغلولة ظريفه

قلبى عشك

روحي غية يا عنيه

نفسى اعيشك

نفسى أحضن فرحتك

حزنك وخوفك كل يوم

كل يوم انتى تخافى

م للى مدارى وخافى

والحقيقه خوفك انتى

حمل قاسى جوه قلبى

وفوق كتافى

نفسى اخلى الدنيا فرحه

جوه قلبك شهد صافى

نفسى تبقى نجمه عاليه

فوق حياة الناس بنورى

بس إيدى قصيره جداً

مستحيل ه يحل دورى

ما باديش الا اغنى

وابكى ليكى كل يوم

كل يوم أغرق ف بحرك
وانتى بحر هواكى صافى
دنيا تانيه غير الوجود ده
شيء خيالى شيء خرافى
ضاع زمانى وعشت اغنى
وانتى منبع كل فنى
إوعى تنسى أو تخافى
مهما ضعنا كل يوم
كل يوم بحلم افارق
كل أيام الحياه
كل يوم بعد أفكر

فى تصاريـف الإلاه
والسؤال بنقش حروفه
جوه قلبى بالف آه
ليه قلوب الناس كفيفه
ليه إراديتنا ضعيفه
والحياه قاسية ومختفية
ليه نقطع بعضنا
ويقطعونا – يفرقونا
يموتونا ألف مره كل يوم
كل يوم العيد يجينى
لو سماك تجود عليا

وتشوفينى

كل لحظه عيد جديد

واما احس ان انتى بيا

عايشا ليا زى إحساسى وفيه

تبقى روحى بعيد ف عيد

والحياه ما تكونشى هيه

لو تغيبى عن عنيا

أرمى أيامى باديا

لو مالىها ألف عيد فى كل يوم.

تصدق

تصدق

نفسى اكتبلك كلام ياما

واقولك شعر من قلبى

ووجدانى ملان أشعار

ولكن كل ما أحاول

واعود واحتر

وألقانى مابقدرشى

وزى الدنيا والأيام

حروف القول مخلفانى

وآه يانى

لوأكتب لك

لقول فيك اللي ما تقالشي

واخلي الدنيا تستغرب

على شعري

ويومها أكيد يسموني

بأم الشعر ف الدنيا

وأرجع تانى اتحفهم

واقول ياما

وانت تقولي معقوله

يكون حبك كما شعرك

ما لهوشى حدود ؟

أقولك ليه بتسألنى
وانت عارفنى عن نفسى
وطول عمرك
سميرى ودنيتى الحلوه
وأستاذى اللى علمنى
حروف العشق والكلمه
وانا منك وانت توأمى وعمرى
وأحلم إنى أكتب لك
وافوق ألقانى مش قادره
لأنك شيء جميل جداً
وأكبر عندي م الكلمه وم الفكره

وموهبتى بانى اعشق
ويبقى عشقى أسطوره
وعندى القدره إنى احلم
وأتمنى - واعيش الحب جوايا
ودايماً عشقى شئ طاعى
ومالى ليا دنيايا
وكل الشعرا ف الدنيا
ما وصفوا ذره ف هوايا
وعشقك يا حبيب عمرى
وشعرك خلوا وجدانى
وروحى جنتى الهائله

ولسه ناوى تسألنى

وانا عبله وانا عزه وانا سلمى

وانا لبنى وانا ليلى

و هاسكت وانت ف سكوتى

عُنا الدنيا

ولا كاتبه ولا قايله.

يا روح القلب

يا روح القلب يا غالية

تعالى ننسى أيامنا

تعالى ننسى دينتنا

نخلى عشقنا هو

بلدنا أهلنا بيتنا

تعالى بوحي وقولى لى

هنشفى جراحنا لو قولنا

وصرحنا وفضفضنا

دا طول الصمت وسكوتنا

مفرقنا مموتنا

وليل البعد بيولى

إذا يلمح ضيا صوتنا

تعالى نشفى أحزاننا

تعالى نروى أشواقنا

وجدران البعاد عالية

تعالى نهدها ونخرج

كفايه موت ف زنازنا

جميله الدنيا وياكى

ما هو انتِ روحها ووجودها

وتضاريس الحياه عندى

بإديك إنتِ رسماها

ومن غيرك ما بتكونشى

ولا ليها وجود أصلاً

ووياكى ما بتهونشى

وبيكى دنيتى حلوه

بتتبسم

وبتغنى وبتقسم

وبعد هجيرها بتنسم

وبتصالح وتعطى ليا أفراحي

وتسعدنى وانا نايم

وانا صاحى

ما هو انت حلمى ومنايا

وأحلى شئ ف دنيايا

ونفسي تعيشى ويايا

ونبقى دخلنا للجنة

يا روح القلب يا غالية

تعالى نهد دنيتنا

ونبنى سعد أروحنا .

بتبسم بسمتك

بتبسم بسمتك

وبضحك ضحكك

وملامحى تبقى شكك

وأهيم فى شخصيتك

عاشق والروح بتجرى

وراكى ف سكتك

واستطعم كل حاجه

انتى بتعملها

خصوصا يا حبيبتي

حلاوة همستك

واسعتمتع لما اكرر
فى نفسى كلمتك
وان يوم احتار دليلى
بتجبنى فكرتك
وافرح لو شفت واحده
بتمشى مشيتك
بحس انك معايا
ساكنه فكرى وطبعى
وانتى فى عُربتك
أخرج وسط الخلايق
أشعر كإنك انتى

لبسانى وماشية بيا

وكل تصرفاتى

بتخرج عن إرادتى

وتبقى بحريتك

دايب فيكى وناسى

كل الدنيا ف حبك

وكأنى صبحت إنتى

لولا جمالك بيفرق

حتى نبضى وقلبى

بقوا همه كمان بتوعك

اقعد لواحدى الاقى

النظرة نظرتك

واللفته لفتتك

وأقول ياربى مالى

أنا بس إيه جرائى

ألايكى انتى تردى ف خيالى

وتقوليلى

أنا وانت بقينا واحد

ماحدش ف الوجود دا

يقدر يفصل ما بينا

وانا ف بعدى ذيك

نفس الحكايه عندى

عايشة ف شخصيتك
وأقول معقول يا عمرى
إنتى زبيى كمان
وكيانا الحب جمعه
جسمين بروح وحيد
بيحنوا لبعض ديماً
مشتاقه للمسه منى
مشتاق للمستك
وناس عايشين معايا
قلبى ناسى وجودهم
وعاش فى جنتك

وأشوف كل الملامح
ملقاش الراحه فيها
أما وشك حبيبتى
واخدانى ملامحه ديماً
متعنى وخلا روحى
تشتاق لطلتك
علمنى إذاى أعبر
الهمنى سر شعرى
واعطيته كل عمرى
ولقيتتى ويا روحك
مضبوط على بوصلتك

بتبسم بسمتك
وبضحك ضحكك
والأقيني ف كل حركه
بتقمص شخصيتك
حتى لو مره أبصم
ها القيه بصمتك

الظاهر انى ها حبك

الظاهر إنى

هاحبك

وحكايتى

هتبقى حكاية

وانا لما هاحب

ما حد ابعد

ولا يبقى لحتى نهايه

وان كان ولا بد انى انسى

خايف يبقى لى ضحايا

الظاهر انى ح احبك

وحكايتي ح تبقى حكاية

ف عنيك أيام بتنادي

مليانه بشوق مش عادى

وانا قلبى صادف ياما

لكن ضعف المره دى

واهو معجب بيك وبروحك

والخوف لتكون دى بدايه

الظاهر انى ح احبك

وحكايتي ح تبقى حكاية

انا خايف منى عليك

مع انى قلبى حنين

لكن لو حب بيبقى
شوقه وحبّه مش هين
وانا قلبى قليل لو يعشق
او حتى يبوح ويبين
دبرنى ح أعمل ايه ؟
وطريق الحب يجنن
نبدأ وياه بالفرحه
ولا نعرفلوشى نهايه
الظاهر انى ح احبك
وحكايتى ح تبقى حكايه

روح الدنيا

لما القلب

يحب بصدق

بيبقى سعيد

يحضن كل الكون

بعواطفه

تبقى ثوانى حياته

ف عيد

إيه ف الدنيا

يساوى هوانا

وللا الفرحة ف المواعيد

تبقى روحنا طايره وشايفه

الدنيا جميله

جديد فى جديد

قبل الحب الفرحة ما عرفت أبداً بابى

ولا كان فيه معنى للدنيا ولا لشبابى

الأيام فاضيا وناسيانا

ولا فاهمانا ولا فهمانا

ولا فيه شئ غالى جوانا

لما الدنيا ف لحظه خادتنا

بالأحلام والفرحة ملتنا

ولقيناها ماهش سيعانا

كان الحب سكن ف قلوبنا

وصحا وجودنا

وخلا حياتنا زى العيد

ما هو القلب إن حب بصدق يبقى سعيد

نلقى روحنا طائره وشايفه

الدنيا جميله جديد ف جديد

إحفظ حبك ياللى بتعشق

واوعى يغيب

أصل الحب دا روح الدنيا

لو غاب ثانيه روحنا تغيب

خليك هنا ف الجنيه معانا

ايه ف الدنيا يساوى هوانا

شمس الحب بتملا سمانا

ما هو القلب إن حب بصدق يببقى سعيد

نلقى روحنا طايره وشايفه

الدنيا جميله جديد ف جديد..

مفیش فايدہ

برغم إنه مفیش

فايدہ

قلوبنا لسہ نار

قايدہ

وأيامنا بتآلما

لا تُوبنا يوم ولا ندمنا

ولا بنيأس ولا بنهدا

برغم إنه مافیش فايدہ

وحشتينى

وحشتينى

حقيقى بجد

وفاض شوقى

وزاد

ع الحد

وأتحرك كدا

عادى

وانتِ ساكنه

ف فؤادى

ولا يدرا

بوجودك حد

وحشتيني

حقيقى بجد

سألت قلبي

سألت قلبي ليه

هيمن ديماً وناسى

الدنيا من حواليك

والشوق واخذك ف بحرہ

ومالكشى معاه مراسى

قالى مانت معايا!!

وعشقك في حياتك

ضروري وشيء أساسى

عايش كل الحكايه

وع الحقيقه راسى

لما الحبيبہ تبقى

جميله جمال خرافى

وطعم روحها عندى

أحلى يجى ألف مره

من أى شهد صافى

والصوت جميل ودافى

وعيونها دنيا حلوه

ولسانها كلامه غنوه

وضاقت الدنيا بيا

وبقت أحمال ثقيله

فى قلبى وفوق كتافى

بلاقى بيتى هيه

الصابره والوفيه

سقفى وفرشى ولحافى

والروح تلقى أمنها

جوه روحها وكيانها

وأقول ياروحى دوبى

فيها واوعى تخافى

دى حبيبة قلبى نادره

لواحدها بس قادره

تسقيكى الحب كله

فى دنيا الحب عيشى

طيرى وسيحى وطوفى

عيشى أزمان طويله

ولا ألف ليله وليله

دى حبيبة قلبى أحلا

ما فى الدنيا بحالها

وأديكى شوفتى هناها

ولسه ياما تشوفى

الفهرس

البيان	رقم الصفحة
إهداء	3
تقديم	5
بداية الديوان	7
خبي الحدوتة	13
كلميني	15
الملهمة	22
مع إني شاعر	27
المسافة	29
وفاء	31
خليني على بالك واطلبنى	32
اسمح لي	35
مكتوب	40
كله ممكن كله عادي	41
في هامش الحياة	44
نصيبي	48
مافيش زيك	51
كل يوم	55
تصدق	63

68	ياروح القلب
72	بتبسم لك
79	الظاهر اني هاحبك
82	روح الدنيا
86	مافيش فايده
87	وحشتيني
89	سألت قلبي
92	السيرة الذاتية للشاعر
93	الفهرس

نبذة عن الشاعر حمدي عبدالفتاح:

- رحلة مع الشعر والأدب والإبداع تمتد لأكثر من اربعين عاماً بدأت من إصداره ديوانه الأول "رحلة القلب الغريب" في عام 1979م
- عضو في نادي أدب المنصورة.
- عضو مؤسس في نادي أدب بني عبيد.
- عضو نادي أدب دكرنس أثناء ثوورة 25 يناير 2011.
- عضو رابطة الزجالين وكتاب الأغاني.
- عضو نادي الأدب المركزي بمحافظة الدقهلية 2010-2011م
- أمين عام مؤتمر الدقهلية الأدبي عام 2011م
- نوقشت أعماله بنوادي الأدب والمنتديات الأدبية المختلفة.
- نشرت أعماله بالدوريات الأدبية والثقافية.
- أذيعت أشعاره في البرؤامج الإذاعية مثل الأدباء الشبان بالبرنامج العام وومانة دقيقة مع الشباب بإذاعة ركن السودان وبرنامج الحب كله بإذاعة الكبار.
- كتب في كل أغراض الشعر السياسي والوطني والعاطفي والديني والإجتماعي والغنائي.
- ناقش بعض دوايئه بالإذاعة الناقد الراحل عبدالفتاح مصطفى والشاعر يسري العزب.
- فاز في عدة مسابقات بمراكز متقدمة وشهادات تقدير.
- فاز ديوانه المرامية في مسابقة دار الاوبرا للنشر بالمركز الأول عام 2010.

- قال عنه النقاد أنه شاعر فصيح في ثوب العامية وأنه يملك أسلوب وطعم الكبار.
- أنتج دوواين رحلة القلب الغريب ومشاعر والمراية وطن المارد وهمسات النهر وخبي الحدوتة ونور النبي في جزأين وتحت التجهيز دوواين فتافيت شعرية والناس الطيبين وخالتي بسيطة.
- كرمته مؤسسة الحسيني الثقافية في عام 2016 عن مجمل أعمال بدرع المؤسسة.
- مثل النوادي الأدبية التي انتى لها في مؤتمر أدباء مصر ومؤتمر الدقهلية الأدبي في دورات عديدة.
- أفرد له معجم أدباء مصر عدة صفحات.
- مشارك دائم في فعاليات معرض الكتاب الدولي بالقاهرة.
- انتدب للتحكيم في المسابقات الأدبية في شعر العامية.
- كرمته وزارة الثقافة المصرية عن مجمل أعماله كأحد رموز الثقافة بالدقهلية في أغسطس 2018.



مع تحيات دار الحسيني للطباعة والنشر والتوزيع رئيس مجلس الإدارة

عبد القادر الحسيني

المشرف العام

محمد عبد القادر الحسيني

المدير العام

عصام عبد القادر

نائب المدير

مختار عبد القادر الحسيني

الهيئة الاستشارية للدار

الدكتور حسام عقل الدكتور على جاد الحق

الدكتور لطفي سيد صالح الدكتور بسير عبد العظير

الاستاذ عاطف عز الدين